

門二奴15
孫 961
卷 4 止

715
61
4止



蠕範卷之七

京山李 元太初

物偏第十三

犀象不地出虎豹不日見而一畝之宮蠅蟻百倍人矣
巨者寡細者衆氣之聚散有難易也人無衆無寡無巨
無細無難無易天地之中氣也
物生於偏氣也可蔽天氣不全受小可無觀氣不全
絕

陰盛生瘴陽盛生毒陰極則冰陽極則火而物生焉飲

需範

卷七 物偏

冰食火負瘴含毒以是為生而已矣

冰鼠磳鼠也居北方層冰下食草木毛長八尺肉重千筋其尾可聚鼠禱可却寒皮可蒙鼓

虎項不回顧犀足不伏起援手不捕鹿角不觸麀牙不噬雞翼不飛雀足不行物不知其有餘也

麀腐也麀也銀獐也似鹿而小無角黃黑色膽白而無魂性善怖怯飲水見影則奔老則牙見於外謂之牙麀夏月毛毳皮厚常居澤冬月毛多皮薄常居山忽聚忽散無定居性愛文章獵人舞采則注視而獲

之大者謂之麀

蛇虺無足而行魚鼈無耳而聽蟬蚓無口而鳴龍蛟無翼而飛物不知其不足也

雞無髓蛇無腹蟹無腸烏無肺蠶無胃蚓無心麀無魂魚無氣兔猴無脾蛤蜊無臟乳羊無血肉蝮無前趾鵝無後趾馬蛭空中蛞蝓裸肉

乳羊出廣西英州食仙茅舉體化脂不復有血肉食之宜人又印度國山羊頂生兩乳下垂亦名乳羊又英州碧落洞羊飲鍾乳澗水體白如乳亦名乳羊又

四十五
61
4止

蜚蠊

卷一

大食勿斯離國羊高三尺餘尾如扇春割脂而縫之
復合不取則脹死又饗羊別見乳羊之屬也
馬蛭虬也蚊也馬蟻也馬蝨也馬蟻也馬蟻也馬蟻也
也雷蟻也水痴也至掌也生水中如蚓蠕動如血以
物觸之則蹙縮圓轉若鞠良久引首鞠形漸小復如
蚓斷之寸寸得水復活或燒之成灰以碗覆之過宿
復生雖經三年得水猶活其別種曰草蛭木癡也在
深山草中形如鼻涕聞人氣閃閃而動著人脛股即
入肉中產育為害大者可長尺許曰泥蛭牛駝也似

水蛭而粗大紫黑色生泥中曰石蛭生石上頭尖腰
粗色赤

蛭蟪土蝸也附蝸也涎牛也涎游也涎魚也托胎也
陵蠡也鼻涕蟲也生陰地沙石垣下形如小螺二角
無殼而白能登蜈蚣首而陷其腦

魴無骨鰈無骨鱧無骨猓無骨蠶無骨蚰蜒無骨馬蛭
無骨蚯蚓無骨牛魚無骨

魴丁香魚也白沫魚也梅雨時海水凝沫而成雪色
無骨

需龜

卷七 物備

三

215
61
4止

蠶

卷十

鱣柔魚也似鱈而長無鰓蛸骨

鱣魚長尺無鱗柔骨似鱣

鼠無牙牛無齒虎無項兔無唇龍無耳蛇無足馬無膽

羊無瞳猴無臀雞無腎犬無腸猪無筋不可肖也配十

二辰者謂肖生

貉不踰汶鸚鵡不踰濟

附貓不過金山牛不過嘉興畫眉不過平望橋鱒魚

不過鴨欄驛

人不見風魚不見水龍不見石鬼不見地處而化也冰

蠶不知寒火鼠不知熱蓼蟲不知苦螻蛆不知臭習而化也

旄牛護其尾草鈎不行孔雀護其羽雨降不飛鱗魚護其鱗胃網不動往往以是殺身拙而無謀也

旄牛犏也獵也狀似水牛體長多力髀膝背尾胡下皆有黑毛長尺許尾大如斗常自愛護草木鈎之即止不動迅走如飛亦能載重西南人多畜之

鱒鱓也鱒也鱒鮠也三鰲也箭魚也瘟魚也似鱒而大板身扁首燕尾青脊白鱗哆口體長而圓肉中多

需

卷七 物偏

四

四十五
61
4止

蝮鱗

蝮鱗

四

細刺如箭鏃腹下有三角味美在鱗鱗如甲肪在甲中初夏應時而出故名性好浮游漁人以絲網沉水數寸取之一絲罍鱗即不復動纔出水即死其鱗以石灰水浸過晒乾層起可作花鈿其腰環紅鱗一帶者名魚阜隸漁人得者其年捕鱗必多
蝮護膽而見瘡劓蔽身而吐墨麝避人而糞鹿避虎而鳴往往以是殺身好謀而拙也

蝮髯蛇也巴蛇也南蛇也理頭也徑尺長丈尾圓無鱗甲有毛如髯斑文如暗錦行常俯首其膽隨月上旬近頭中旬近心下旬近尾取還復生牙長五六寸土人採葛藤塞戶蝮蟻則靡乃發穴取之或滿頭簪花蝮即注視不動投以婦人衣呼紅娘子則伏隨人拽而取其膽仍以線合瘡而縱之其後遇捕則自見金瘡以示無膽長十丈者能吞虎豹鹿豕性好食鹿吞鹿則瘦鹿化則肥歲吞一鹿以為常尾鈎得鹿以毒氣呵衝角自解脫鹿骨在腹繞樹三匝則骨穿皮而出或云在樹上伺鹿過垂首繞之有頃鹿死濡鹿身令溼便舉口吞之骨角鑽皮而出其性最淫好逐

需絕

卷七 物偏

五

215
61
4止

蠅

蠅

五

婦女而蟠身交媾以舌入婦女口中吐精滿腹服藥始解月久則產小蛇捕者取婦女弊褲投其首即俯仰頓撼甚樂俟其倦悶斃之或釘羅椿數行颺裙褲召之蚌昂首遂入椿蜿蜒不便乃棍擊之俟其俯首以葛藤繫頸牽之每擊有一泡死而血凝則護身膽也

鰓烏賊也墨魚也黑魚也纜魚也花枝也箕袋也河伯從事也海君白事小吏也狀如箕袋白質黑章無鱗而鬚長如帶遇風則以鬚釘石如纜遠岸糾前一

鬚為可近岸黏前一鬚為纜腹下八足聚生口旁縮喙在腹下懷板含墨見人輒噴墨方數尺以自蔽若小蝦魚過其前則吐墨以惹之墨即其涎也然血與膽亦黑如墨江東人取其墨書契給人財物迹如淡墨逾年自消只白紙耳背正一骨厚三四分形如楞蒲而長色曰輕脆如通草性嗜烏見烏則自浮水上候烏來喙卷取食之過小蒲則形轉小或言烏鷄所化或言秦王箕袋所化或言胥吏墮海招文袋所化垂白袋宛然

需

需
物偏

六

羈樊籠者其能招之鸚鵡鸚鵡能言猿能舞雉能文象能乘蟋蟀能鬪困羅網者其貪招之禽貪困魚貪餌麋貪彩麋貪音獅貪毬

麋澤鹿也似鹿而大青黑色肉蹄目下有二竅能夜視大寒解角無兩月之久角長重二十餘觔堅如石性迷惑故其迹纏而不解好音聲獵人歌咏而誘之千百為羣食澤草踐處成泥謂之麋峻多牝少牡一牡常交數十牝交畢輒死其脂墮地經年得之名曰道脂酒服益人

豕鼻遇雨則倒懸麝角防患則倒懸鵲啼苦則倒懸蝸牛日中則倒懸么鳳夜棲則倒懸蝙蝠頭重則倒懸豺獫也雌也猶也似後而小蒼黃色鼻端向上尾長四五尺其端有岐雨則自懸樹以尾塞鼻孔或以兩指塞之性好疑見人則登樹上下不一甚至奔觸破頭折頸故世稱猶豫么鳳倒挂也收香也採花使也遍體綠毛腹背之毳雜五色注距皆赤狀如鸚鵡臆尾兩翼雄者有紅色雌者無之往極馴好集美人釵上宴客終席不去常

蠟範

卷七

七

以十二月來晝聞焚香則收翼間夜則一爪倒掛以
放香

鰓殼附石 鰓鬚附石 礪房附石 石蠹之繭附石 海膽之
粟附石

鰓鮑魚也 石鮭也 石華也 石決明也 九孔螺也 千里
光也 佛羊蚶也 將軍帽也 似蚌而扁似蟹而紫 附石
有囊如腕上五指外皮甚粗內色光耀背側一行有
細孔雜雜或七或九或十二如穿成者或曰其孔一
年一生十二年則十二孔生 石崖 上海人乘不意取

之否則粘石 雖斧鑿難脫 其附石別種曰石蠶 紫蛙
也 紫薑也 石鮭也 龜甲也 龜脚也 仙人掌也 生海中
石上狀似龜足 正黑有甲有足有翼 其子如粟 春夏
得雨生苗如海藻有花長八九寸曰蠟老 蚌牙也 附
石殼如鹿蹄殼 上肉下大者如雀卵 曰石帆 紫黑色
生海上石穴中

石蠹 石蠶也 沙蠶也 石下新也 附水中石作絲繭如
釵股長寸許 春夏化蛾飛水上 其別種曰石蠶 似草
根黑色細小有角節 曰雲師 似蠶有毛如兔 生石上

需色

卷七 物偏

八

蠅

卷七

曰雨師雨虎也如蠶長七八寸雲雨則出生石上曰九香蟲黑堯也狀如水龜大不過指青黑色冬伏石上曰抱石魚背腹平大如指常貼石上曰石伏常伏溪底石上

海膽石榼也似蚌而殼圓有粟粒附石生互相聯綴取一帶十若觸破其一則皆粘石不可動雖椎破弗脫也肉色黃有四瓣

獅子乳善漏而盛於玻璃石駝溺善浸而盛於葫蘆弔蛇膏善走而盛於卵殼獬豹膏善透而盛於骨器

弔蛇矛蛇也予蛇也吉弔也倮鱗也蛇頭龜身龍卵所化多與鹿游遺溺水邊著枯槎則凝如糖糞色微青黃或灰謂之紫梢花

陵鯉之血浸隄則漏築隄則補躡步之卵附石則軟離石則堅海螺之甲合燒則香獨燒則臭

鯪石鯪也陵鯉也龍鯉也穿山甲也似鼉而短小鯉背鼠首巨鱗黑色長舌尖喙尾與身等尾尖有三角四足拱立如馬人履其背不少蹲伏居穴中其甲能穿穴能陸能水或繫之少頃即穿石入地丈餘此物

需

卷七 物備

九

蟻

卷七

地

穴山透石如履平地也日中出岍張鱗甲以死狀誘
蟻入甲即閉而入水甲開蟻浮因咬而食之其血浸
隄隄漏又可補漏

蝎鈎螫人蜂蠆螫人鮫鬣螫人虫蚊之喙螫人螫魚之
尾螫人鰭鯢之刺螫人

鮫吐鮫也渡夫也吐附也杜父也吐哺也土部也鱸
鱧也黃魴也伏念也舡舡也主簿魚也似魴而黃黑
有斑似吹沙而短濶口大頭岐尾脊背上鬣刺螫人
見人則以喙插泥中

鼓含氣射人蛛出溺射人蛾含沙射人狙激鬣射人鸛
啣矢射人獾擲石投人

鼓鼓母也狀似水龜大如豆黑色浮游水上常含氣
射影而使人病然人被射工毒瘡者用此蟲一枚含
口中即能言矣

獾舉父也似猴黃黑色多髯好奮頭舉石擲人
物候第十四

乾為馬坤為牛震為龍兌為羊艮為狗巽為雞坎為猪
離為雉

需

卷七 物候

十

物類

卷七

甲乙龍丙丁雀戊句陳巳騰蛇庚辛虎壬癸龜蛇

子鼠丑牛寅虎卯兔辰龍巳蛇午馬未羊申猴酉雞戌

犬亥猪

蛟角龍亢貉氏兔房狐心虎尾豹箕獬斗牛牛蝠女鼠

虛燕危猪室瑜壁狼奎狗婁雉胃雞昴烏畢猴猪猿參

豸并羊鬼獐柳馬星鹿張蛇翼蚓軫

龍春分登天秋分入淵蚓立夏出泉冬至結壤燕春社

來秋社去鴟夏至來冬至去雁仲春來仲秋去

立春反舌鳴雨水鶯羽驚蟄蛇黃出春分杜鵑北向清

明羸肉生蟲穀雨鶉鳩催起立夏鱗魚陟小滿鰌小芒

種蠟緣木夏至貓鼻煖小暑刺蝥登木大暑紺蟬飛立

秋虎嘯處暑蛩吟白露鶴喚秋分蚊喙破花寒露鴨瘦

霜降鷓鴣南翔立冬蟋蟀入室小雪螺沉大雪脊合鳴

冬至伯勞歸小寒狼竄沸大寒蚓首下

蚊刺蝥也似蠶小暑登木食葉大暑下樹結繭附根

或土內春化蛺蝶而出於枝間生子復成刺蝥

孟春之月蟄蟲始振魚陟負冰獺祭魚候雁北啟蟄雉

震响雞杼粥

需範

卷七 物候

上

蟪蛄

蟪蛄

二

仲春之月初俊羔昆小蟲榮倉庚鳴鷹化為鳩元鳥至
季春之月羴羊穀則鳴田鼠化為鴛鳴鳩拂其羽戴勝
降於桑

孟夏之月螻蟈鳴蚯蚓出鳴蟻鳴札

仲夏之月螳螂生鵙始鳴反舌無聲浮游有殷鹿角解
良蜩鳴唐蜩鳴鳩化為鷹

季夏之月蟋蟀居壁鷹始鷲鷹乃學習腐草為螢

孟秋之月寒蟬鳴鷹乃祭鳥

仲秋之月鹿人從駕為鼠鴻雁來元鳥歸丹鳥羞白鳥

蟄蟲坯戶

季秋之月鴻雁來賓雀入大水為蛤陟元鳥蟄熊貉
鼯則穴豺乃祭獸蟄蟲咸俯

孟冬之月雉入大水為蜃

仲冬之月鶡鴠不鳴虎始交蚯蚓結麋角解

季冬之月雁北向鵲始巢雉雊雞乳征鳥厲疾

反舌百舌也鶡鴠也翠碧也喚起也喚春也望春也
懷春也報春也祝鳩也春鳥也牛屎喇哥也似鳩鴿
而小氣臭無冠短尾蒼色喙尖黑行則頭俯好食蚯

蟪蛄

蟪蛄

三

蟬

卷七

三

蚓飛高聲壯能反覆為百鳥之音圓轉如絡絲春初
鳴曰春起也夏初鳴曰春去也立春則鳴夏至無聲
十月藏蟄然反舌蔡邕以為蝦蟆服虔以為白脰鳥
陳藏器以為鶯

物有月貓虎食物應旬馬駒從母應旬牛犢從母應望
前望後蝌斗生足應大盡小盡

蝌斗活東也活師也懸針也元魚也水仙子也蝦蟆
臺也狀似魚頭圓身青黑無足有尾長則尾脫足生
為蝦蟆月大先生前二足月小先生後二足二三月

間蛙蟄曳腸於水際草上纏繳如索日見黑點漸至
春水時鳴以聒之則蝌斗出

鰕鬚應月獺肝應月鷓飛應月石背之子應月香魚之
長應月螺肉視月盈虛魚腦視月盈虛蚌蛛視月盈虛
蟹黃視月盈虛

鰕魚也水豚也鰕豚也石柱也形扁而腹濶大口
大目細鱗有斑彩其斑雄明雌暗皆有鬚鬣鱗鬣皆
圓黃質黑章皮厚肉緊味如豚夏居石穴冬俛泥糝
其體不能屈曲如蹶也鬚刺十二應十二月脊有二

需

卷七 物候

三

骨每月一骨有毒漁者取其雄置於溪畔羣雌齧拽
不捨掣而取之常得十數尾凡魚無肚不嚼唯鰕有
肚而能嚼也

石背荔枝也冬伏荔枝葉下如核及荔枝花則蟲生
子每生十二粒歲有閏卽增其一當荔香時輒溺枝
上全枝脫蒂矣

香魚記月魚也鱗細不腥春初生月長一寸冬月則
長尺餘生子後卽橋

螺有十五種曰蠡蝨也螺螭也田贏也生水田岸側

形圓殼有旋文大者如梨橘小者如桃李其性畏雪
其肉視月盈虛望前則肥望後漸瘦秋冬水蛭入其
厝不可妄食曰蝨蝨螺也水貝也似蠡而小殼厚肉
似蝸泥壁數年可以不死曰蛾海蟀也馬蚶也蚶貝
也大如腹皮黃肉白大者圍九寸細者圍七八寸長
三四寸老鵝入海所化曰蠶蜆也扁螺也小如蚌黑
色能候雨以其殼飛俗謂之螻有土螻黃螻二種曰
蠶細而長可治目疾曰躑步大螺也負殼而行冷便
入殼生卵著石軟柔以綿取之則堅矣曰蝨蝨沙屑

也土蛸也身綠尾白曰海螺流螺也豸豬螺也大如
小拳青黃色長四五寸肉厚甲香鳴則大風吐光則
兩大者如甌面前一邊直揜數寸圍殼岨崕有刺合
衆香燒之則香獨燒反臭曰石螺長生螺也相思子
也郎君子也狀如杏仁青碧色中實如石大如豆置
醋中雌雄相逐頃刻便合卽下卵如粟置之篋中經
歲不壞曰叱螺在海邊樹上見人則叱聲如人曰鸚
鵡螺狀似覆杯白質黑文中有蟲居之狀如鸚鵡曰
珠螺瑩潔如珠曰文螺長寸有文可爲酒杯曰鈿螺

殼有光彩可飾鏡背曰青螺似蠶色如翡翠曰螭螺
生海泥中高跳丈許或羣化爲蚩曰梭尾螺形如梭
曰蓼螺莖螺也紫色有錦文味辛如蓼曰泥螺狀如
蠶豆曰紅螺似鸚鵡螺殼薄而紅行沙中夜生光曰
濛螺螺身魚翼出濛水曰白螺曰蝶螺曰香螺曰丹
螺曰黃螺曰雲螺曰花螺曰米螺曰竹螺曰醋螺曰
溪螺曰莎螺曰油螺

蟹郭索也蟛蜞也一品膏也含黃伯也夾舌蟲也橫
行介士也無腸公子也鶻眼蜩腹蛭腦蠶足利鉗尖

爪八跪外刺有爪如拳丁二螯前列如執鉞狀殼脆而堅有星十二點深膳脂色殼中有黃應月盈虛八月以後則黃白滿殼其性多躁或繫諸繩縷或投諸笞箬則引聲噴沫至死乃已生流水者黃而腥生止水水者紺而香雄曰娘螳臍長雌曰博帶臍圓散子後卽自枯死其黃化漆爲水其螯和硫黃或黑犬血燒烟可集鼠於庭每歲八月蟹殼內有稻芒長寸許向東入海輸與海神漁人伺其出水而拾之夜火照捕咸附明而至謂之蟹浪或乘流而障之謂之蟹齧

有十九種曰螿螿長四五寸足螿有毛生河海中曰螿螿也螿蟬也螿朝也彭越也小於蟹足無毛螿微有毛生泥塗中食土曰螿螿長卿也小於螿無毛生陂池田港曰石鹽小於螿長不及寸廣僅半之曰螿螿也似螿而殼薄螿銳斷物體小多黃曰擁劍桀步也執火也葐樸也似螿而大黃色兩螿左大右小其大螿赤殼黑斑文有光每取物則大螿障目小螿取之每食物則以大螿鬪小螿食之曰螿螿青螿也撥權也似蟹而大長可尺餘身扁殼青螿強兩螿有

細白毛八足皆有微毛後足薄而濶隨大浪退殼一
退一長大者如升小者如盞楪能與虎鬪曰蘆鯀似
蝨蚌而細文曰虎螭虎蟹也大於蝨蚌有虎豹文殼
殷紅斑駁又似瑪瑙曰蚌土蚌也蚌江也小身綠殼白
腹腹旁有毛十二足堅如石曰蜚似蜚四足曰蛭似
蜚六足曰鯨倚望也望潮也似蜚而青或白常舉兩
螯東西顧睨行四五進亦如之入穴乃止潮將來則
出坎顧望不失常期其迎來謂之招潮潮退行泥中
謂之攤塗曰涉丸丸蟹也似蜚常搏土作丸滿三百

丸則潮至曰蠟蟻也蟻也石蠅也似蟹而大殼赤匡
長螯有稜鋸截物如煎二三月膏滿殼子滿臍過是
則不及曰鱗鱗似蟹也似蝨蚌亦似蟹曰蘆虎蘆禽
也似蝨而螯赤色有毒不可食曰沙狗似蜚而小見
人便走壤沙土爲穴屈折易道不可尋覓出南海曰
蟹奴大如錢腹下又有小蟹如榆莢曰蠟奴寄居蟹
也曰水蟹殼內皆鹹水可淡煮而吸其汁曰紅蟹殼
殷紅色大如碗螯巨而厚可裝爲酒杯曰石蟹小而
殼堅赤生恩州之石山嶺崖州之榆林港土極細而

氣寒蟹入則不能運動片時化石置几案上可以明
目曰飛蟹能飛曰蟾蟹出河間懸老犬肉於水濱以
火照之即浮因取之曰百足蟹百足四螯長九尺漢
武時善苑國獻曰專車蟹大可專車周武王時海陽
獻曰千里蟹出姑射國曰大蟹高數百丈兩螯如山
能與山神鬪出南海
附越巒之鶴背明洞冥之鷺喜日胥徒之沉明雞應
時龍鄉之伺晨雞應時

物有日飛燕之泥避戊己瑋瑋之食齋甲庚蝙蝠忌庚

申老鼠藏甲子虎奮衝破狐知孤虛廢逢申而過街鮓
遇丙而出穴

鮓拙魚也嘉魚也丙穴魚也首有黑點長身細鱗肉
白如玉二三月隨水出穴八九月逆水入穴其出入
必丙日腹多脂炙者蕉葉隔之不然脂注火

鮓躍應更鵝鳴應更鼉鳴應更雞鳴應五更驢鳴應五
更

鮓知更魚也代漏龍也赤色似鯉一更一躍
鵝家雁也舒雁也蒼駟也蒼白二色大而垂胡綠眼

黃喙紅掌長脰義首善鬪伏卵隨日光所轉朝首向東暮首向西或云逆月向月取氣助卵性能啖蛇蚓制射工不食生蟲其鳴應更其腹毳毛可爲衣被之絮柔暖其涎可以化穀見異類則差翅而鳴見同類則拊翅而鳴

雞儼也鷓鴣也燭夜也翰音也選羽也勃公子也無外腎小腸好邪視寒則縮一距孕卵二十日而化夜鳴以丑晝鳴以午大者蜀小者荆其雛鷺雞本朱翁所化故呼朱朱又祝翁善養雞故呼祝祝性能辟邪

蓄蠱之家輒飛去之焚其羽可以致風羣雞無故夜鳴者主不祥謂之荒雞黃昏獨啼者主天恩謂之盜啼牝雞鳴者殺之卽已闔雞鳴者有毒不可食有五種曰反毛雞翩翩雞也松子雞也羽反向前曰烏骨雞色黃白不一骨皮俱烏凡舌黑者骨必黑曰儻雞鷓雞也高三四尺曰矮雞脚短二寸許曰食雞肥大不善鳴其異種曰細尾雞長尾雞也馬韓國尾長五尺餘朝鮮國尾長三尺餘曰容雞似雞五采出高興縣曰神雞色如金見人則飛入穴出雲都縣石室中

曰潮雞林雞也鳴長且清如吹角每潮至則鳴出移
風縣曰天雞玉雞也曰初出時光照桃樹之上則此
雞鳴而天下雞皆鳴出桃都山曰應時雞晝夜應十
二時而鳴出南甸曰承露雞雞冠四開如蓮花鳴聲
清徹出南郡曰長鳴雞晝夜啼聲不歇出九真及并
州曰沈明雞石雞也寶雞也虎魄燕也大如燕丹色
在地中應時而鳴漢建安三年胥徒國獻曰重明雞
目有雙睛鳴聲似鳳時解落毛羽肉翮能飛出羽山
曰遠飛雞翻明也目羽也大如鵠紫色翼下有目朝

往海外夕復還曰鷓鴣雞三首三目六足六翼出基
山曰鳧溪似雞人面自呼出鹿臺山曰魃雀白首鼠
足虎爪食人曰雙頭雞四足一尾鳴則俱鳴漢太初
二年月氏貢曰伺晨雞聲與漏合出龍鄉曰伺夜雞
五時雞也隨鼓節而鳴一更一聲五更五聲曰鶉雞
似鷺金頂紅背肉味每三月來九月去其來以夜羣
飛之聲如雷曰杉雞頭有長黃毛如冠項頸正青如
垂纓常棲杉木之下出臨海

鷗鳴應潮蜂衙應潮蟬丸應潮鱗行應潮蜉蝣暈應潮餅

毛應潮石雞之聲應潮

鷗鷺也信鳥也水鴉也江鵝也閑客也知機叟也婆
婆兒也三品鳥也碧海舍人也色如白鴿長喙修足
羣飛蔽日其鳴應潮往來善候風風起輒飛至岸常
以三月居洲嶼生卵江海俱有之其微紅色者曰芙
蓉蒼色者曰鷓鴣
蛤蜊白蛤也蘆雉也白殼紫脣每一潮生一暈能以
殼飛善候風雨其生育但以涎液隨氣而化或曰千
歲鳥所化其殼燒成爲粉謂之海粉

鮓鮓也牛魚也引魚也牛體魚也其頭如牛無鱗無
骨脂肉相間背有斑文腹下青色剝皮懸之潮至毛
起潮去毛伏大者長丈餘重三百觔

石雞潮雞也林雞也潮至則鳴其聲清遠如吹角

貓睛應十二時蠱色應十二時

貓蒙貴也烏圓也家狸也狸奴也鼠將也白老也仙
哥也雪姑也銜蟬奴也崑崙姐已也似虎而小狸身
虎面柔毛利齒尾長腰短目如金色其睛應十二時
寅申巳亥圓如滿月辰戌丑未減如棗核子午卯酉

則旋細如線其鼻端常冷惟夏至一日煖性畏寒而不畏暑口齟有九坎者善捕鼠能畫地下食其食鼠隨月旬上下旬食頭中旬食腹下旬食足其毛不容蚤蝨黑者暗中逆循其毛卽若火星孕兩月而生每乳數子見寅人卽自食其子或無牡但以竹箒掃背數次則孕瘞死貓於園可以引竹竹鞭繫之則隨節折裂殆與竹同性也揚子江有金山貓過之則不捕鼠過者剪紙貓投水以厭之張搏好貓有七種曰東守曰白鳳曰紫英曰祛憤曰錦帶曰雲圖曰萬貫

人謂搏貓精也西洋貓有肉翅能飛

蠱辟役也蜥蜴蠱也籬頭蠱也十二時蠱也大小如指狀似守宮腦上連背有肉鬣如冠憤長頸長足身黑色大者長尺許尾與身等暑月時見於籬壁間其首之色乍赤乍黃隨十二時變化或化十二辰狀傷人立死旣潛噬人急走藩籬之上望親族之哭李時珍以此爲眞守宮又酉陽雜俎謂螃蟾一名籬頭溺是傍海大魚脊上有石十二時與此同名異類也按此似蜥蜴蠱實非南人蓄養之蠱也蠱毒不一有金

蠶蠱馬蝗蠱蟻螂蠱蜈蚣蠱蝦蟆蠱蜥蜴蠱挑生蠱
草蠱蛇蠱皆取百蟲入甕令其自相吞食經年獨存
者能隱形與人作禍

物有位蛛絲右轉鴿矢左盤禽鳥之屬怒則左顧喜則
右顧起則張左翼下則張右翼

蜘蛛有六種曰蜚蜘蛛也蛛蝥也蠱蝥也蝮蝥也蚰
蟻也蚰蚌也蝮蠱也蠱蟬也毒餘也蠱蝮也
次零也社公也網公也大腹深灰色空中作網如魚
罾自處其中飛蟲觸網纏縛食之春暖輒吐遊絲遠

颺每逢申日能越可長至數丈其絲入目傷明其網
繫疣自落其氣吸蜥蜴雖相去三四尺骨肉自消其
溺射蜈蚣則節節斷爛曰螻蛄也長肢也青鳥也
解憂也喜母也親客也絡新婦也小而微紅長脚抱
子而行著衣有喜曰號蠅虎也蠅狐也蠅蝗也蠅豹
也身小足長色灰白兩目似虎炯然有光背邊有雙
肉爪善捕蠅蹲身不動急起攫得之五月五日杵碎
拌豆則豆自躍而擊蠅曰壁鏡壁繭也壁螭也壁錢
也扁螭也形扁薄八足斑色作窠如幕貼壁間曰巴

蜘蛛身只數寸，踣長數倍，有大毒網羅竹柏，盡死中人，生瘡而死。用雄黃苦酒塗嚙處，仍用鼠婦食其絲，盡乃愈。曰：海蛛大若丈二車輪，文具五色網，虎豹食之，其皮爲履，不航而涉。曰：天蛇大而五色，花文作大網，螫人瘡處，有蛇飲秦皮湯，針取之。又商於有白蛛，落鵲山有黑蛛。

鴿鶉，鶉也。人曰也。飛奴也。半天嬌人也。揮羽佳人也。似鳩，毛色不一。兩兩相匹，性淫易合。亦與鳩匹交，則雌乘雄背，其聲曰：鴿。人家多畜之，亦有野者。

物有方，蝨行北首，燕戶北向，鵲鳴北向，闌胡北向，鷓鴣南翥，鷓鴣南翔，蛇蟠于地，鵲避歲君。

闌胡，花魚也。跳魚也。彈塗也。泥猴也。似鰕而短，似鮒而細，大如拊指，鬚鬣青斑色，有細綠點，頂方眼，生頂上。生海濱，泥穴中，登物捷如獼猴，夜則駢首朝北。鷓鴣，鷓也。爽也。麥雞也。鷓雞也。鷓鴣也。鷓鹿也。麋鷓也。錯落也。似雁，長頸高足，色青蒼或灰，亦有綠色者。頂無丹，兩頰紅胎，生皮可爲裘，好羣飛。季秋則南翔，就暖。可以候霜。故曰：鷓飛則霜，鷓飛則露，鷓飛則雨，鷓

商羊也
鵲喜鵲也乾鵲也飛駁也神女也鳩鵲也鴉鵲也芻
尼也喜奈何也大如鴉長尾尖觜黑爪綠背白腹能
知氣候疾徐陰陽向背風水高下歲必一營巢其孳
生比他物最蚤傳枝而交音感而孕相視而抱小寒
後五日卽巢其巢開門常避太歲向天乙構取在樹
杪枝不取墮地其銜木爲梁謂之隱巢木合鷺鳥不
見人見之者富貴多風則去高木就卑枝春二月乳
子已舍巢去他鳥居之涉秋首無毛若髡好啄槐實

結玉于腦謂之鵲玉此鵲不鳴不卵時棲竹上其屎
中蛭蝟卽反而受啄其枕石端午採之可爲媚藥其
腦焚之令人相思其別種曰冥鵲鷓鴣也山鸚哥也
毛色似翠喙赤而長赤足曰練鵲帶鳥也壽帶也拖
白練也雄尾長雌尾短頭有白毛如練帶曰鷓鴣赤
黑色兩首四足出翠山曰鷓鴣白身赤尾六足出歸
山曰嬰勺赤首赤目赤喙白身出支離山曰青耕青
身白喙白目白尾出董理山曰丹鵲丹色夏月輒易
毛羽出塗修國曰鷓鴣高七尺解人語漢章帝時條

支國獻

附大兵則大鶚朱厭狔狼狙鼠梁渠鱖魚見大旱則
 鷓鴣鳥蚩鼠獾獾鳴蛇鱒魚條鱖魚薄魚見大
 水則胜遇蠻蠻長右合窳夫諸花蛇羸魚見有恐則
 酸與雍和朱孺見多疫則跂踵絜鉤蜚牛狻獸見大
 穰則狡犬當康文鯨見譌火則畢方移郎見大風則
 山獬聞豨見多土功則狸力鷲鷓見大繇則猓褻見
 多狡客則夜夜見多放士則鴉見
 又附寅日虎自稱虞吏狼自稱當路君狸自稱令長

卯日兔自稱丈夫麋自稱王父鹿自稱西王母辰日
 龍自稱兩師魚自稱河伯蠃自稱無腸公子巳日蛇
 自稱寡人竈蟲自稱時君午日馬自稱三公未日羊
 自稱主人麀自稱吏申日猴自稱人君猿自稱九卿
 酉日雞自稱將軍雉自稱捕賊戌日犬自稱人姓字
 狐自稱城陽公仲亥日猪自稱人君子日鼠自稱社
 君伏翼自稱神人丑日牛自稱書生山中逢之者呼
 其名不能為害

鵙冬月落毛鷓鴣冬月落毛黃鶯冬月落毛

鴈魚鵠也似鷓鴣而有文采蛇頭長頸足近尾不能
行冬月落毛棲息溪岸見人則沒入水

鯊正月出鱖二月出鮓三月出鱮四月出鱠五月出鱖
春出鱖夏出秋則蟄矣故曰魚龍以秋爲夜

鱖麥魚也春魚也文魚也跳艇也武陽魚也狀似魚
苗大如針一斤千頭春月自東流縣巖穴流出溯流
至石人瀨漸大越此則化蜻蜓飛去

鱮勒魚也肋魚也似鱖小首細鱗腹下有硬刺常以
四月至海上漁人聽水聲取之頭上有骨合如鶴喙

亦有冬月出者謂之雪映

鱖鱖魚也昌鼠也昌侯也狗瞋睡也似鱖頭上突起
連背身圓肉厚羣魚隨之食其涎沫如媚

鰻鯨也春來也圓厚而長腹起額扁喙長鱗細腹白
背微黃口在頷下亦能噉魚首有二石如玉

虎嘯則風鷗岸則風鱖飛則風鯨湧則風鷗鳴則風鷺
避則風鵲移巢則風蚋飛磴則風

鱖鮫也文鱖也飛魚也似鯉鳥翅魚身蒼文白首赤
喙長尺許大者長丈翅與尾齊羣飛水上海人候之

當有大風

鯨鯨也鮪鮪也鮪鮪也鮪鮪也鯨鮪也奔鯨也鮪魚也鱠
 鮪也江豚也白鯨也鰲婦魚也似豚無鱗黑色雌者
 胸有兩乳鼻中有聲項上有孔通頭氣出嚇嚇作聲
 必大風噴水直上常起伏江中似拜叩然謂之拜風
 重百筋而肥不可食大者可二千筋其膏可以點燈
 照紡織則暗照歌舞則明謂之饞燈相傳懶婦所化
 鵠晨風也海青也似鷹而大青色鳴則大風每向風
 展翅迅搏鳥雀按今海青鳥似鵠而小青色黃眼

圓尾鵠鵠生三子則一為海青長則食其二子其鵠
 又倍於鵠鵠殆即鵠也又青鵬稱海東青非此
 鵠禿鵠也禿鵠也鵠鵠也慈老也扶老也爰居也雜
 縣也身似鵠爪似雞長頸赤目青蒼色頭項無毛頂
 皮方二寸許紅如鶴頂喙深黃而扁長尺餘嚙有胡
 袋性貪惡好啗魚蛇鳥雛張翼廣五六尺舉頭高七
 八尺能與人鬪海有大風則避之有白黑花三種其
 白者為胡鵠老

鵠仰鳴則雨鳩夕鳴則雨蠹鳴則雨鶴鳴則雨蟻躍則

雨蟻出則雨蠓避則雨商羊舞則雨雉尾垂則雨鳥翅動則雨蟻封穴則雨蚋飛春則雨

蠓猥狗也雨母也大如筆管長三寸雨將至則匿草木下避之

商羊鷓也獨足也山蕭也大如鵠文身赤口一足晝伏夜飛將雨則鳴其聲自呼遇冬則蟄食蟲豸不食稻梁

鼈向日而伏卵龜向日而浮身蠹逆月而吐沫鷲逆月而乳子

蚌蛤聞雷而縮天蛤聞雷而下種羊聞雷而生蛟卵聞雷而入地象牙聞雷而發花蝌蚪聞雷而脫尾使虎父嘯風蚯蚓與雲黑蟻降雨蜥蜴吐雹猛獸噉霧不謂我作天工乎

蚯蚓蝨也蟻也蟻也蟻也附蚓也寒蚓也寒欣也寒蟻也蟹蟻也蜜蟻也土蟻也曲蟻也曲蟻也蠅也蟹蠅也胸臆也蝮蟻也巨擘也引無也土龍也地龍也鳴初也歌女也孟夏出冬至結大寒首下陽動首上雨則先出晴則夜鳴其身屈曲却行前後各

一竅而前竅中視聽嗅食歌備五用焉與阜螽為雌
 雄老則頸白可以與雲其血能柔弓弩其塵背洒之
 可以起霧仲冬蟄結如毬化為百合取芥皮清水斗
 半燒石如炭狀蟻脂入之七日後置沼則魚鼈聚焉
 又晉景和中有白蚓宋永嘉中有青蚓唐太和三年
 廬州有步蚓長二三丈當項兩足如雀能步行又上
 都渾瑊宅外有樹蚓長二尺餘白頸紅斑領數百蚓
 穴槐樹中又唐荊州有蚓長尺餘口露雙齒肚下有
 足如蛭行疾於常蚓

蠕範卷之八

京山李 元太初

物名第十五

物之至貴者莫如馬美其能者失其類不類之類能莫
 尚焉是故周穆翠龍漢文龍子紫燕秦皇銅雀晨鳧白
 兔呂布赤兔曹洪白鶴汾陽九花虬
 馬騎畜側面小耳圓蹄散尾項上有鬃毛膝前有夜
 眼腎中有寶謂之墨其齒少者眼光能照人全身齒
 愈大則光愈近食杜蘅善走食稻穀足重食鼠屎腹

脹食雞糞生骨眼其性畏灰馬駒遇灰則死以僵齏
拭唇或取桑作末塗口則不食草以鼠狼皮掛槽則
不食穀以馬毛犬尾置朋友衣中若夫婦衣中則兩
相憎惡馬生子謂之駒駒生月初者行先母生月中
者行並母生月終者行後母馬名之異赫連氏馬曰
白口騮黃帝馬曰飛黃夏馬曰驪殷馬曰騶禹馬曰
飛兔曰腰褭啟馬曰九代湯馬曰青龍曰追風成王
馬曰馮穆王馬曰翠龍曰腰褭晉獻公馬曰屈產晉
惠公馬曰小駟宋文公馬曰白顛唐成公馬曰驪驪

衛侯馬曰駉牝曰啟服延陵卓子馬曰桃文尸子馬
曰蘭池曰秀騏曰逢驪黃子馬曰晨風曰黃鵠項羽
馬曰烏騅呂后馬曰紫燕東方朔馬曰步景昌邑王
馬曰果下漢昭烈帝馬曰的顛張飛馬曰玉追曰豹
月烏呂布馬曰赤兔魏武帝馬曰絕影魏文帝馬曰
澤馬曰織驪曹洪馬曰白鶴曹彰馬曰白鶻曹植馬
曰紫騮曹真馬曰驚帆裴果馬曰黃驄王戎馬曰巴
鎮袁顛馬曰飛燕河間王馬曰追風曰狡狴陸父馬
曰雲駒司馬休之馬曰揚武劉琬馬曰騏雄陸郎馬

曰斑驄郭磨馬曰白額駒支道林馬曰頻伽齊太祖
馬曰龍驤赤梁武帝馬曰玉獅子北齊高緯馬曰駁
龍曰儀同慕容廆馬曰赭白冉閔馬曰朱龍姚襄馬
曰黎眉騮姚興馬曰青獅子隋文帝馬曰騮騮曰獅
子驄隋煬帝馬曰獅子駮唐太宗馬曰黃驄驃唐元
宗馬曰玉花驄日照夜白唐代宗馬曰九花虬唐德
宗馬曰望雲駮曰神智驄曰如意騮荆王馬曰碧雲
駮長孫晟馬曰閃霞秦叔寶馬曰忽雷駮李白馬曰
黃肉芝哥舒翰馬曰赤將軍馬會恩馬曰龍子衛伯

玉馬曰玉腕騮郭子儀馬曰九花虬高駮馬曰大烏
元稹馬曰銀杏鄭駮馬曰撒豆驄杜重威馬曰吉祥
座景延廣馬曰肉胡床寇彥鄉馬曰一丈烏劉旻馬
曰自在將軍李後主馬曰綠耳梯宋仁宗馬曰玉道
遙宋神宗馬曰小烏宋徽宗馬曰龍驤將軍汪革馬
曰惺惺騮梅聖俞馬曰鐵獺曰碧雲金世祖馬曰禿
耳金主亮馬曰小將軍西夏馬曰赤駝夏明昇馬曰
飛越峯明尹堅馬曰撞倒山董氈馬曰錦膊驄白民
馬曰乘黃烏孫馬曰西極大宛馬曰天馬曰蒲梢曰

汗血犬戎馬曰雞斯曰古黃曰吉疆鮮卑馬曰黃耳
吐谷渾馬曰青海驄大宛馬曰叱撥回紇馬曰綠野
子闐馬曰鳳頭驄曰花滿川龜茲馬曰丹髦曰龍驤
曰天驥曰腰亮曲端馬曰鐵象西域馬曰小步佛馬
曰犍陟曰蹇特轉輪王馬曰波羅訶蕃馬曰駮鞞朝
鮮馬曰麒麟秦馬曰好頭赤又周穆王駟馬曰驥曰
溫驥曰華留曰騷耳又八駿曰驊騮綠耳赤驥白誼
渠黃踰輪盜驪山子又八駿曰絕地翻羽奔霄越影
踰暉超光騰霞挾翼漢文帝九逸曰浮雲赤電絕羣

逸驃紫燕綠螭龍子麟駒絕塵秦始皇七名曰追風
赤兔躡影追電飛翮銅雀晨鳧唐太宗十驥曰騰霜
白皎雪驄凝露驄懸光驄決波踰飛霞驃發電赤流
金鬪翔麟紫奔虹赤天寶六馬曰紅玉輦紫玉輦平
山輦凌雲輦飛霄輦百花輦王昶五馬曰金鞍使者
千里將軍致遠侯渥洼公驥國公馬之異種曰駢牛
尾白身一角出敦頭山曰鹿蜀白首虎文赤尾出柩
陽山曰孰湖鳥翼人面蛇尾好舉人出崦嵫山曰臄疏
一角出帶山曰嵒嵒羊目牛尾四角出磴山曰乘黃

似騏背有兩角出白民國曰嗅石不飲濁水不食生
卉能嗅石知金玉吹石則開曰獨角馬黃毛一角角
長四五尺解百毒其銳能觸獅出印度國曰水馬文
臂牛尾出滑水

非馬曰馬螳螂天馬鳩掇竈馬鼃水馬蟻元駒蝶春駒
鳩掇竈馬也竈雞也狀如促織而稍大灰色六足無
翼長尾易死好穴竈其聲清微如日織織列子謂胡
蝶所化

非牛曰牛颺偃牛蝸土牛蟻天牛蜚米牛天螺桑牛蟻

蚰黑牛蛭蝮涎牛

非羊曰羊蜻蜒紗羊草螽蒙羊獨足商羊狗地羊蟻山
羊蠅羊

羊柔毛也少牢也胡髯也青烏也羶根也高山君也
長髯主簿也角無枝目無神腸薄而曲性淫而狠惡
淫喜燥又性善羣每羣一雄為主舉羣聽之謂之壓
羣又性畏露早出晚歸又性嗜百草不擇所噉食仙
茅則肪食鈎吻則肥食仙靈脾則淫食躑躅則死好
食鹽瓦器砌鹽於圈內則羊戀鹽還圈不勞人收矣

羔飲母乳必跪似知禮者凡新羊入羣爲諸羊所觸
火燒其尾則定其頭骨灰投冶則鐵自融脰骨灰磨
鏡則明其脂可以柔銀輓銅殺羊角可以縮錫懸羊
頭於門則賊盜驚不敢入有羊肝石白色如玉似狗
寶附膽而生羊死不瞑目以其無睛也家畜二種曰
吳羊羶羊也滑羊也頭身相等毛直而短曰夏羊綿
羊也頭小身大毛卷而長綿羊有大尾者謂之靈羊
尾方潤而肥忽魯謨國所出身重七八十斤尾重二
十餘斤行則以車載之其別種曰龍種羊地生羊也

以臍肉或脰骨種土中漑以水聞雷則羔生於土臍
與土連割臍則死唯走馬擊鼓驚而斷之便逐水草
大如兔皮可爲褥出西海大漠拂林波斯諸國曰羶
花羊也鹿羊也牛羊也深褐黑脊白斑似鹿或似牛
曰播羊璽耳羊也耳小肋細腹黃善走喜卧沙地曰
犖羊蹄羊也蹄皮至剛可以割黍曰水羊皮細可織
爲布出海西曰赫羊紅羊也體大而色赤曰橘綠羊
迭角羊也四角或六角角兩相對味劣不入鼎俎周
成王時有獻者曰驪似麋四角馬尾有距善旋其名

自呼出太行山曰羴羊羴羊也羊身馬尾出錢來山曰羴羴羴也胡羊也九尾四耳其目在背其尾自胸至尾九塊又阿丹羚羊亦有九尾曰龍羊似畜羊而大其角繚上重八九兩黑質白章可爲帶騰曰青羊尾毛如翠出罽賓國曰一角羊角當頂上實龍種食其肉者殺人或宰之受雷震曰大羊食鹿豕出春山曰葱聾羊身有赤鬣出符禺山曰辣羊構子也辣辣也一角一目目在耳後出代州雁門谷口曰電麋羊大如犍牛出九真曰蛟羊似羊無角食之有毒曰

狗尾羊似山羊尾長二尺餘出忽魯謨斯曰鬪羊高二三尺前體毛長委地後體毛短似剪角彎向上出忽魯謨斯曰阿丹羊白毛無角項有袋如牛毛短如犬尾大如盤曰白沙龍其膏最嫩出馮翊曰五色羊漢南越王尉陀所獻曰羴羊無口不可殺出洵山曰土螻似羊有四角食人出崑崙山曰阿羊九頭而更食國亂乃生日二首羊兩首相背隋漢王諒總管并州時出曰滌羊一日百交脯不可食但著牀席已自驚人出陰夷山曰吐珠羊南唐劉鋹苑中所產曰黃

羊北方產食之不羶曰斥羊善躍上下峭巖如跌出
涼州又金精化羊千歲樹化羊梓樹精化青羊又百
年而紅又百年而黃又五百年而蒼又五百年而白
非狗曰狗蟬沙狗鳩水狗螻蛄土狗蝦蟆溪狗
狗犬也地羊也黃羊也羹獻也守門使也性善警止
禦又性前趨孕三月而生豺見之跪虎見之醉食菴
木髓則死遇膈臍則驚其血辟不祥以血灌螻燒
之可以集鼠其皮毛燒灰止天風其肝和土泥竈令
婦妾孝順其腹有物似白石而青者謂之狗寶凡多

毛者龐高四尺者葵狂者獠長喙者獫謂之田犬善
獵短喙者獨謂之吠犬善守其名之異高辛犬曰槃
瓠殷犬曰虞周犬曰嚳穆王犬曰耗白重工徹止藿
猓徐君犬曰鵠倉楚犬曰茹黃晉犬曰葵韓犬曰盧
宋犬曰鵠南越犬曰猓猓匈奴犬曰狡吳李信純犬
曰黑龍晉楊萬年犬曰青骹李亭犬曰修毫釐暹白
望青曹庾翼犬曰白龍陸機犬曰黃耳張林犬曰阿
永陳張彪犬曰黃倉華隆犬曰的尾張平犬曰飛燕
齊高緯犬曰赤虎唐楊貴妃犬曰獨子王鐸犬曰花

鴨趙澤民犬曰桃花廖習之犬曰黃奴杜光庭犬曰
吠雲宋虞經臣犬曰渠來蘇東坡犬曰烏喙裴至德
犬曰青花張朝犬曰小狸呂本中犬曰雪童仙人裴
眞君犬曰白靈韋善俊犬曰烏龍又周處風土記犬
有青鸛白雀飛龍虎子渴獠五魚其別種曰獠虎爪
有甲曰獺獠身羸鬣有鱗曰蝟如犬青色食人曰蠻
犬如獵犬剛而善警出桂海曰天犬赤色出金門山
曰天馬似犬白首黑身出馬成山曰天狗似狸白首
出陰山曰豹犬錐口赤身高四尺出匈奴曰狡少狗

也巨口黑身豹文牛角出匈奴曰谿邊谷遺也席其
皮者不蠱出天帝山曰大狗其大如驢赤色搖鞞於
數里之外可以呼至出罽賓曰赤小犬色如火元至
正中昆明玉案山產曰般第狗晝潛水中夜卧旱地
咬斷樹木利如刀出西洋曰鬱林犬垂耳拳尾極高
大曰拂蘇狗高六寸長尺餘性慧能曳馬銜燭唐武
德中高昌獻曰從從六足犬也出拘狀山曰木狗元
豹也似犬黑色能登木皮可爲褥出川廣曰雙角狗
漢文帝齊雍城門外產曰兩首犬唐神功元年安國

獻

非雞曰雞納醯雞龜田雞翰沙雞螻蛄江雞紺蜨天雞
鳩掇竈雞

非虎曰虎犬赤虎麋蚌虎蛾水虎馬腹水虎號蠅虎鳩
魚虎鱈魚虎蜥蜴蝎虎鴉蘆虎赤鱗蘆虎

馬腹水唐也水盧也水虎也人膝也人面虎爪有鱗
如三四歲小兒甲如鱗鯉射不可入常沒水中出其
膝頭示人小兒不知而取弄之則殺人

鱈鱷也鱈也魚虎也忽雷也骨雷也泡魚也土奴魚

也龍吻螬目虎首鼉身四足喙長三尺身長二丈有
黃黑蒼白各色其尾長數尺末大如箕背皮如蝟有
芒刺成鉤刺人有涎如膠仍自膠粘多於水邊潛伏
人畜近水以尾取之如象用鼻鹿走崖岸之上聞鱈
叫則鹿怖而墮水爲所得惟熊能制之往往握其鬚
至岸裂擘而食也鱈舉止趨疾口森鋸齒一生百卵
或成他形得之者擊去其齒齒能復生雖身朽齒三
作也秋化爲虎三爪亦化豪豬或化鮫魚

鳥嘴曰味曰喙爪曰距尾曰驪曰瞿脰脰曰奧嚙曰亢

曰員官其畜食者曰喙翅曰翩曰翎頸毛曰翁
鳥禽也二足而羽謂之禽四足而毛謂之獸然曲禮
猩猩稱禽周禮羔雁稱禽是獸亦禽矣鳥種不一曰
畫眉似鶯而大蒼褐色兩頰有白毛斜長一帶如畫
好鬪善鳴其聲悠揚宛轉甚可人聽劍關有白者網
不能及媒不敢引殆千年物曰金頭鷲天鷲也似雁
長頸肉可食皮可衣俗以爲鵠曰白翎百靈也似雀
能爲禽獸之音元世祖樂有白翎雀出鳥桓曰鷓田
野間小鳥似鷓蒼色長嘴與翡翠異曰松鳧似鳧入

水食魚食已則棲松間宿必以樹曰陽鴉陽鳥也似
鸛而小身黑頸長而白出建州曰飛廉神禽也鹿首
雀身蛇尾豹文曰甘蟲人面綠羽紺爪水禽山鳥見
之皆狎其聲云甘甘曰吉弔似百舌其聲云吉弔曰
後懊似杜鵑其聲云後懊出鄆陵曰佛現似鸚鵡而
大出峨眉山晴午白光發現此鳥輒呼佛現曰護花
每春初花發輒鳴枝上遊人折花則盤旋枝上呼莫
損花出池州九華山曰護山鷄惜春鳥也大不踰燕
其聲云莫摘花果或云勿偷花果出峨眉山然此鳥

在處有之黑色似鳩而小吾鄉譯其音云今年花好
又有似燕而大黑身黃脰者鳴云今年恹惶曰婆餅
焦出江淮間有遠戍者其婦思之甚方作餅爲餉恐
焦遣子偵之子回母已化鳥鳴云婆餅焦曰異鳥出
緬甸深山坳中所遺精液瑩潤若珠土人得之外裹
薄銅七十二層謂之緬鈴置案頭旋運不住握之令
人渾身木麻房中術用之然易壞壞卽不可修矣曰
跛踵一足彘尾出復州曰羅羅食人出萊山曰人面鳥
雌身犬尾出崦嵫山曰肥遺似鶉黃身赤喙出英山

曰飛涎鳥似鼠兩翼赤足每曉當棲禽未散遶樹飛
涎沾灑枝葉上禽惹如網搏而食之如不獲禽卽逐
空中以涎灑之無不中出南海狗國曰帶箭鳥似鵲
羽色黃綠閒雜尾生兩枝長二尺直而不臬唯尾梢
有毛宛如箭羽出嶺表曰細鳥候蟲也蟬鳥也狀似
鸚鵡大如蠅聲聞數里如黃鵠之音漢武時畢勒國
貢曰念佛鳥大如雞羽毛黃褐翠碧間而成文音韻
清滑如誦佛聲曰音聲鳥雲韶部也似練雀而五色
喙紅足碧其小者羽間元黃足或青或紅高峯絕巘

面陽而巢飛翔有序唯暮春早秋一見之風輕烟暖
聲響互發如聆蕭韶曰搗藥鳥棲幽谷之中形不可
見春夏月夜獨鳴云克丁當宛如杵臼敲戛之聲清
亮可聽曰白鳥王母使者也青足赤喙白翼絳頰
齊郡函山相傳王母守藥函之鳥曰九色鳥九尾鳥
也錦鳳也繡鸞也青口綠頸紫翼紅膺紺頂丹足碧
身緗背元尾云是西王母禽曰銅環鳥大如白鷺青
色赤目膝上髀下有自然銅環刻畫如人工出營道
縣曰懊恨鳥白首赤足黃腹丹翅聲云懊恨也母兮

唐開元間棲濮州庭樹曰楚魂亡魂鳥也楚懷王囚
咸陽而死亡此鳥曰北海大鳥高千里首文天膺文
候左翼文鷺右翼文勒在海中捕魚飛則兩翼相切
如雷如風曰武功大鳥肉翅狐首四足足有爪廣四
尺狀如蝙蝠唐大歷八年集武功曰浪鳥狀似老鴟
大如駝攫人食之出真臘葛浪山曰異鳥金翅黑身
巢蘭陵山井中井不可窺窺者盈歲輒死曰却火雀
純黑大小似燕置火中火自散去唐順宗時拘弭國
貢盛水晶籠中宮人夜持蠟炬燒之不能損毛羽曰

知更雀每夜初更有聲五更則急鳴唐裴耀卿所養
曰報春鳥似鸚鵡而小蒼黃色每正二月鳴云春起
也三四月鳴云春去也出顧渚山曰師子禽毛黃赤
而光鮮身小鳴則地動石裂出南金山曰意忘鳥粉
粉猗猗似無所能引援而飛迫脅而棲進不敢爲前
退不敢爲後食不敢先嘗出東海曰思婦鳥昔有人
登山思婦絕望愁忿而死化此鳥曰乞飯鳥居彭蠡
湖中隨舟行舟人拋飯與之接食不遺一粒巫峽中
亦有此鳥謂之神鴉曰帝江能識歌舞之妙出天山

曰櫟鳥黑文赤翁似鴉出天帝山曰囂鳥狀如夸父
四翼一目出梁渠山曰鷓鳥似梟曰鳴鳥五彩張口
噓天曰觸鳥黃身赤足六首出互人國曰大鷲曰少
鷲俱似青鳥曰青鳥赤首黑目出王母山曰畢方似
鶴一足赤文青質白喙出章莪山曰大鸚似鵬黑文
白首赤喙虎爪出鍾山曰鷲鵠似鴛鴦人足出盧其
山曰絜鈎似鳧鼠尾善登木出磴山曰鷓似鳧青身
赤首赤尾出青要山曰鷓羣居朋飛出夢聯山曰瞿
如似鷓三足人面出禱過山曰鷓知人吉凶曰背明

似鶴止不向明巢常向北多肉少毛聲音百變聞鐘
磬笙竽聲則奮翅搖首而舞吳黃龍元年越嶲國獻
曰鴻鵠狀似禿鶩色似鴉鳩無腸無皮肉羽翮附骨
而生雄雌相盼則生出含明國曰命命共命也兩首
一身識神各異出西域雪山曰藏珠鳥似鳳紺身丹
翼每鳴翔則吐珠數斛出瀛洲曰印第鳥其吻能解
百毒出西洋曰厄馬長頸高足翼不能飛足若牛蹄
善走馬不可追出白露國曰象鼻雞大如鵝羽毛華
彩吻上有鼻如象可伸可縮伸可五寸縮只寸餘怒

則血聚於鼻正赤尾開屏如孔雀出墨是可國曰無
對鳥無足腹下生長皮如筋纏樹枝而立毛色五采
出爪哇島曰長吻鵲吻與身等空明如紙出伯西爾
國曰鸚似碧鶴色鳩鷄鳥喙蛇尾曰鷓翼生股上熒
見則孕曰鵠似鷹而白曰鷓輿頸也怪鳥曰鴝荒鳥
又有名未具形狀者曰鴝曰鴝曰鴝曰鴝曰鴝曰鴝
曰鷓曰鷓曰鷓曰鷓曰鷓曰鷓曰鷓曰鷓曰鷓曰鷓
曰鷓曰鷓曰鷓曰鷓曰鷓曰鷓曰鷓曰鷓曰鷓曰鷓
曰鷓曰鷓曰鷓曰鷓曰鷓曰鷓曰鷓曰鷓曰鷓曰鷓

身虎爪鼉足鮎尾長尺餘見人則奔入水以杖擊鼻則得之每上岸鬪角軟則入水復堅曰牝山牛也眼紅角有枝如鹿茸山中隊行不畏人曰狸神牛也生谿上兩牛共鬪卽海沸人遮捕之卽霹靂曰野牛白毛首尾似鹿曰魚牛似獺犢尾有翼毛可爲氈曰犛駛牛也行流沙中如橐駝日行五百里曰獠似牛三足出乾山曰每牛出數楚之戎曰花蹄牛高六尺四耳長尾角端有肉蹄似蓮花善走多力曰兩角牛大如象一角在鼻一角在頂皮似鎧甲頭大尾短能居

水中數十曰逐殺象虎百獸皆伏出亞第國曰駢蹄牛足似馬蹄青色日行三百里曰獬狃白身四角毫如披蓑出三危山曰那父白尾出灌題山曰諸犢四角人目豕耳出北岳山曰輪輪虎文出空桑山曰精精馬尾出踰隅山曰蜚白首一目蛇尾出泰山曰犀渠蒼身音如嬰兒出釐山曰領胡赤尾出陽山蠶尿曰沙皮曰蛻甕曰繭蛹曰蠅蛾曰羅卵曰蛻紙曰連

魚腦曰枕曰丁尾曰魴曰丙腸曰鯛曰乙骨曰鰈曰刺

魚部
卷八
浮曰鰓曰白翅曰鰓曰鬣子曰鮓曰鱧

魚鮭菜也嫩喙也水梭花也腦視月爲盈虧月滿則腦盈月缺則腦減食棟葉則飽食茵草則醉食楊花則病食橄欖則死生流水者鱗白生水者鱗黑生鹹水者不入江生淡水者不入海春夏浮而溯流秋冬沒而順流立春上冰驚蟄昂首目不見水勞則尾赤若無腮腦有汗鬣紫色赤口紅眼則懷珠五十年也瘦而白點者爲蝨病以楓皮投之則愈漁者取獠獠毛置網四角獲魚必多凡魚有睫及目合及二目

不同及逆鱗白鬣腹有丹字者不可食食之殺人種類至繁曰鱗紅鱗色黑有斑文小頭尖喙曰鮓石鮓也似鮓而薄脊裏腹下赤綠色長一寸俗呼石光皮曰鮓鮓父也似鮓有毛如毳出黑水曰鱗似鮓黑文出需水曰鮓白小也白飯也麩條也似膾殘而稍大黃白色曰鮓火燒鮓也似鮓黑質白章色如烟熏脊骨更隆上有赤鬣似蝙蝠翼曰鱧似鯉雞足曰鱧似鱸蒼文赤尾曰鮓似鱸圓厚而短曰鱧似鱸而肉粗腦腴骨脆曰鱧似鮓背厚尾長有足曰鱧似鮓鼻長

曰鯪狼籍也左右有三牙如鋸狀似石首曰鯪似鯪而大鱗細口紅曰鯪踏水也似鯪而小曰鯪似鯪目大鱗粗能以鬣刺水蛇曰鯪鮠也鯪也鯪也水底羊也似鯪而鼻短腹白似鮎背有肉鬣曰鮎似鯪而大曰鯪似鮎而小曰鮎馬鮎也頰肉肥美曰鮎燒其糞可以辟蠅出漳海曰鯪似鱸而小出渭水曰鯪似鮎而鱗細曰鮎鮎青郎也榔磚也似海鯪而大硬鱗剛骨齒如鐵鋸嚼螺蛤成粉海濱養蚶苗者必驅之不然吞嚼殆盡曰鮎鮎也白魚之雄者曰鮎似白

魚稍短味不腥曰鮎似白魚赤尾曰鮎長尺許額旁有一骨生溪邊極臭曰鮎鬼頭魚也狀獐惡味美出樂昌縣榮溪曰鮎狀如馬鞭鞘曰鮎似鮎而大背鱗膚理如玉曰鮎三月生溪十月歸海香聞水上曰鯪似指長七八寸脊骨可爲笄大者如竹竿曝作燭光明曰鯪小魚曰鯪竹丁魚也出滇南曰鯪似蛇長一丈曰鯪尾毒螫人出海中曰鯪海魚曰鯪似蛇曰鯪似蛇曰鯪魚似鯪赤鱗曰淫魚頭身相半鼻白身黑有鬣無鱗口在頷下狀似鬲長丈餘性喜音樂聞樂

作則出頭水上聽之曰寄度魚長三寸似鮪曰油魚
長二三寸秋肥十月則無出雲龍州曰橫魚黃臘魚
也長背金鱗其骨肉燔乾夜有光如燭出南海曰鈞
魚似鱗身扁脊長垂下數寸曰蒲魚鱗似粥出鄆縣
曰土蹄魚似比目半體但兩眼生在一處曰浮胡魚
身似鱣首似鸚鵡八足出真臘曰水蓋魚似魴背差
薄剝之多水曰黑頭魚似鱣白腹修體短額長尺許
頭黑如墨腦有小石每二三月出漁人以火夜照取
之出嘉州爾雅臺下相傳郭璞注爾雅時墨水所染

曰子魚黃鱗赤尾生稻田中可以爲醬曰滑魚似鱣
而赤背出諸毗水曰墨斗魚似鎖管十餘相連口吐
水如墨曰竹魚似鯖而大青翠如竹鱗下間有朱點
少刺骨出桂林曰鰓魚似河豚而小背青有斑文尾
不岐腹白有刺曰薄魚似鱸一目出鬲水曰花魚鬪
魚也丁斑魚也長二三寸身有斑文赤黑色或紅綠
相間尾鮮紅有黃點善鬪童兒豢之角勝負爲戲曰
緡羸魚也鳥翼能飛曰青鍼錢串魚也身長而小尾
長五六寸青色曰水精魚似鱈殘光如水晶曰鏡魚

蟲
卷八
三
圓如鏡曰綬魚華齊魚也老婆魚也形似帶綬曰釜
頭魚大首如戴鐵釜長數十丈曰髮魚頭有毛如婦
人髮白肥無鱗出滇池曰金魚腦中有麩金出功婆
塞江曰斑魚頭中有石如珠出北海曰沙綠魚似鱗
而細大不過五寸有駁其文曰綠魚色綠能飛曰地
青魚似鱗而青能飛曰地白魚似鱗而白能飛曰緋
魚頭大尾有肉翅色紅如緋能掠水羣飛大者長丈
餘每躍數十丈曰丹魚浮水有赤光上照若火其血
塗足可以履冰出丹水曰毛魚鹿角魚也形狀最小

一龠容數百頭曰骨魚無肉以骨相連出襄陽古井
中又西海亦有骨魚曰印頰魚脊鱗似繇額有文如
印出堯母慶都墓前非祀者捕而勿得曰戴帽魚銳
首無鱗頭有骨如插箭曰逆鱗魚肉芝也可調藥物
出臨沂曰重鱗魚鱗有兩重出石門縣曰棘鬣魚鬣
剛而赤味豐在首首豐在眼十月得時正月以後味
拘不可食曰方頭魚似棘鬣而首正方曰短頸魚項
甚短曰范蠡魚相傳少伯烹食所化出洞庭湖曰秦
皇魚長五六尺腹胃有胡鹿刀塑之狀出東海與鱣

魚同名異種曰龍魚似鯉一角曰鳶魚似鳶無尾無足當陰雨之日飛高數丈曰鳶魚似烏賊而肥曰鸚鵡魚色青綠口曲而紅似鸚喙能化龍出嘉陵江曰鰕魚肉白味似鰕而鬆曰石鼈魚似缺魴而小春出石間曰豬魚形似豬曰鹿魚首有兩角如鹿曰鹿子魚頰色尾鬣皆有鹿斑赤黃色春夏化爲鹿曰天牛魚方圓三丈眼大如斗口在脇中露齒無脣兩肉角如臂兩翼長六尺尾長六尺出南越曰羊頭魚豐肉少骨首似羊出魚復溪曰馬首魚黑色身長五丈伺

人入水爲害出扶南曰馬交魚社交魚也似鱗膚黑無鱗有斑逢春社而生銳觜燕尾經宿則腐曰鼠黏魚揚尾沙際結鼠鼠舐之則轉首撮鼠入水以去狼籍其肉羣鰕食之曰鼠尾魚尾長似鼠能飛出象山曰鵝毛魚不煩網罟見燈光則上艇須臾而滿出東海曰鰕魮鳥首魚翼魚尾出漢水曰鱮鱮似犁牛出食水曰菀魚何羅魚也一首十身味臭出泚水譙水曰赤鱮人面音如鴛鴦出卽翼澤曰冉鱮魚身蛇首六足馬目出陵羊澤曰脩鱮蛇身魚翼黃色出入有

光出末塗水曰豪魚似鮪赤喙赤尾出渠豬水曰鱠
鱠如鯉六足烏尾出彩深澤曰擊閭似胎魚大五六
尺出北海曰瓊魚仙人上藥曰鮪魚魚身犬首出諸
懷水曰修辟魚似鼉白喙出橐水曰海燕魚長三十
餘丈黑色無鱗聲如牛嘗乘潮來去出鹽官縣石浦
曰峰州魚長一二寸人取烹之千萬家取之不盡出
吐蕃曰雷穴魚聞雷則出出興州曰虬尾魚似鴟鼓
浪卽降雨出東海曰雞鬚魚魚身雞喙兩足出明州
曰雞子魚狀似鮐色如鮐肉翅無鱗尾尖長乘風而

飛曰鯨魚似雞赤毛三尾六足四首出范湖水曰鯢
似鼈音如羊出招水曰鱧似鯉六首出蒼體水曰飛
魚似豚赤文出魏山曰番車魚長數丈每躍聲震里
許出昌化曰江魚似鱸赤色或白生鹹淡水交會中
肉細皮厚出儋耳曰把勒亞魚長數十丈頭有二孔
噴水上出如懸河海船投之以酒則逝曰斯得白魚
長二十五丈性良能保護人或海舟爲惡魚所困徑
往鬪解曰薄里波魚色隨物變附土土色附石石色
亦海中大魚也曰仁魚嘗負小兒登岸鬻觸傷兒死

魚亦觸石死故名之西國取海豚必此魚爲招呼仁
魚入網海豚隨入俟豚入盡復呼仁魚出網豚盡羅
矣曰劍魚背長丈許鋸刻如鋸猛而多力與把勒魚
戰海水皆紅曰齒魚口在腹下有三十二齒齒長近
尺身長十餘丈曰刺瓦魚似鱷口中無舌開動上齧
長尾堅鱗刀箭不入利爪鋸牙性獍惡入水食魚登
陸食人畜每吐涎于地人畜踐仆因食之人見却走
則來逐人人返逐之則亦却走其目入水則明出水
則昏曰狗魚善窺飛魚之影先至其所俟魚飛來開

口啖吞海船或釣得之曰麻魚形粗食魚魚近其身
卽麻木不能動海船手足近之亦麻曰風魚可以占
風海船得之晒乾掛船內其身首所向卽風起之方
又有名未具形狀者曰鮫曰魷魷也曰鰾魷也曰鱗
曰鱗曰鰵曰鰵曰鰵曰鰵曰鰵曰鰵曰鰵曰鰵曰鰵曰鰵
曰鱗曰鱗曰鱗曰鱗曰鱗曰鱗曰鱗曰鱗曰鱗曰鱗
曰鱗曰鱗曰鱗曰鱗曰鱗曰鱗曰鱗曰鱗曰鱗曰鱗
曰鱗曰鱗曰鱗曰鱗曰鱗曰鱗曰鱗曰鱗曰鱗曰鱗
曰鱗曰鱗曰鱗曰鱗曰鱗曰鱗曰鱗曰鱗曰鱗曰鱗
曰鱗曰鱗曰鱗曰鱗曰鱗曰鱗曰鱗曰鱗曰鱗曰鱗

日鮫日鮪日鯨日鯁日鯿日鯽日鱈日鯟日鯠
 日鯡日鱈日鮠日鯢日鯣日鱖日鯨日鯰日鱔
 日鱟日鱉日鰓日鰓也日鰓也日鰓也日鰓也
 日鰓也日鰓也日鰓也日鰓也日鰓也日鰓也

草木而禽名者綬旨鷓瓜蒲鴿薛金雀萁金鴉茶老鶴
 蒨金鳳檜來禽芋蹲鴟菌地雞射干烏鳶石蒜老鴉漏
 盧飛雉玉枝杜鵑山石榴杜鵑淡竹竹雞

附貫衆曰鳳尾射干曰鳳翼海蒨曰鳳仙馬鞭草曰
 鳳頸藜曰鶴頂玉簪花曰鶴仙芡實曰雞頭丁香曰

雞舌青菖曰雞冠大薊曰雞頂石菱曰雞腸天藕曰
 雞腿枳椇曰雞距山菜萸曰雞足降真香曰雞骨苺
 苺曰鴨舌地葵曰鴨舌淡竹葉曰鴨跖穆曰鴨爪銀
 杏曰鴨脚繁縷曰鵝腸貫衆曰鵝頭莎曰鴟尾萁芟
 曰烏頭附子曰烏頭烏園曰鳶尾苦葵曰鴉眼藟曰
 燕尾慈姑曰燕尾圓眼曰燕卵莎曰雀頭芡曰雁喙
 草木而獸名者采木伏牛射干金牛地薺地羊漏蘆伏
 豬茯苓伏兔菟活鹿黎盧鹿驪鬱金草麝皂莢烏犀
 梓木坤鼠地丁獨行虎齒苜九頭獅

附荔實曰馬首索千曰馬耳鬼曰曰馬目交藤曰馬
 肝萼曰馬蹄杜衡曰馬蹄蓬葛曰馬尾熏陸曰馬尾
 烏韭曰馬駿蓄曰牛舌百倍曰牛膝南燭曰牛筋沙
 參曰羊乳丹參曰羊乳枸杞曰羊乳菘楚曰羊腸蓄
 曰羊蹄菘蕪曰羊蹄地丁曰羊角地菘曰豕首曰豨
 臚胡桌曰豬耳承橐曰豬荅黃芩曰狔尾豨豨曰豬
 豪旋花曰狔腸旱蓮曰豬牙菘蕪曰狗脊貫衆曰狗
 脊支蘭曰犬牙豨豨曰狗膏牽牛曰狗耳白歙曰貓
 卵澤漆曰貓眼樗木曰虎肉沙參曰虎鬚欵冬曰虎

鬚漏藍曰虎掌蒟蒻曰虎掌豨豨曰虎膏石荷曰虎
 耳黃環曰狼跋支蘭曰狼牙山慈姑曰鹿蹄元參曰
 鹿腸敗醬曰鹿腸猴葵曰鹿角葱曰鹿胎蒟草曰鼠
 尾香茅曰鼠耳灌草曰鼠肝女蘿曰兔絲卷柏曰豹
 足杜葷曰獐頭鬼曰曰鹿目蘆薈曰象膽旱蓮曰猢
 猻頭地錦曰猢猻頭

草木而蛇魚名者女青威蛇桑根伏蛇蓼遊龍萸萸木
 龍茜山龍櫻櫻魚耐冬石鮫烏藥鱗魮絲爪魚鱗蕨鼈
 茄草鼈漏藍木鼈

附片腦曰龍眼圓眼曰龍目蛇含曰龍牙馬鞭曰龍牙陵遊曰龍膽烏歎曰龍尾常春曰龍鱗穆曰龍爪
槐曰魚尾旱蓮曰鯉腸鏡面草曰螺曆青黛曰蛤粉
扁豆曰蛾眉

草木而蟲名者莖麻蠶萎蕤熒知母蜚母樗木蛾寄生
桑蛾胡麻狗蝨亞麻壁蝨菘實鶴蝨蒿密蜂括樓果羸
地菘蚶蚻淡竹碧蟬防風百蜚地錦馬蝗牡丹鼠姑惡
實鼠粘地瓜土蛹

蟲物之微者備羽毛鱗介兼產水陸其種不一曰竊

蟲似鼠負四角白色振其頭有聲甚響尋之卒不可
見常居屋壁間曰丹戩飛龍也似鼠負青股赤頭出
蜀郡曰禾蟲軟如蠶細如箸長三寸餘青黃色中有
白漿置器中滴入鹽醋則漿自吐閩人云海濱禾根
長數尺或丈許縷縷如血絲隨海水而出漾至海濱
寸寸自斷爲此蟲曰棗貓生棗樹上大如棗仁青灰
色兩角有翅能飛曰天社狀如犬大腰食草木葉曰
氤蟄氣盤也行夜也不能遠飛好夜行觸之則氣出
狀如蜚蠊曰腆顛狀如氣盤褐色身扁帶之令人相

愛曰桑牛天螺也緣桑螺也似蝸牛而小黃色雨後
 好緣桑曰益符無舌蟲曰龐降似蚨腹薄而青在櫬
 攬樹上自呼其名曰慢螟蛉也桑女也桑上小蟲似
 尺蠖而青曰飛生天牛也似蟻不錐桑孔曰蛄蟪一
 頭數尾長二三尺左右有脚似蠶可食曰壁蟲泥壁
 未乾揮涕其上陰雨中化為蟲如蚓曰怪哉獄蟲也
 赤色頭牙耳鼻皆具以酒灌則消生獄中漢武幸甘
 泉馳道中得之曰石尤蟲生江水中其出必有惡風
 雨曰刺蟲似棘刺刺上有爪疾走如箭或踏地驚之

伏地如滅細若石脉良久復故出夔州江岸曰眼蟲
 大尺餘狀如黃葉眼遍其上眼底有紫如針齧人不
 可脫燒之則落中者血出而死出江州曰蚺青似人
 首眉目宛然生海中日元羅似人足生海中日碎車
 蟲狀如螭螭蒼色登高樹上吟嘯如人出終南又有
 名未具形狀者曰虵曰蚺曰蛭曰螻曰蝨曰蠅曰蠚
 曰蟹曰蝮曰蝗曰蠘曰蠚曰蠘曰蠚曰蠘曰蠚曰蠘
 曰蠚曰蠘曰蠚曰蠘曰蠚曰蠘曰蠚曰蠘曰蠚曰蠘
 曰蠚曰蠘曰蠚曰蠘曰蠚曰蠘曰蠚曰蠘曰蠚曰蠘

蟬曰肌蛛曰螞蟻曰蝶螭曰螭蛄

蛭朝菌竹雞山菌蝦蟆肉芝螺贏蒲盧蠻地瓜蟠委黍
鮎箸菜蛭淡菜鮑白萍犬槃瓠胡蜂元瓠蝻竹根螻桑
根蜻蜒桑根鰕石桂蟥盤柱命以草木也

蝻青蝻也竹根蛇也喜緣竹與竹同狀寸寸有節綠
赤白三種大者長四五尺尾長三四寸能于草莽中
吐絲網伺人過出螫其目盲不見物

螻赤螻也赤棟也桑根蛇也伏人屋間食鼠子雀雛
色紅黑節節相間

蛭朝蛭也朝菌也蟲邪也孳母也白露蟲也伏似蠶
蛾白翼雙角朝生暮死白露節後水上羣飛或墜水
則隨水去常千百計

蛭殼菜也淡菜也文嚙也海北也東海夫人也似珠
母一頭小中銜少尾形近于牝大者生珠紅白二種
其似蛭極小中無毛者烏螭堅中有毛者烏投

鮑鱧也鮑也鱧也餅也鮠也楚鮮也康郎也白
萍也陽蟪也白魚也色白頭昂身窄腹扁鱗細頭尾
俱向上肉中有細刺大者長七八尺食雪乃肥好羣

浮水上

蚶瓦屋鶴阜裙鶯黃袍螳螂巨斧鱧篋刀蛇刀環鑄銅
盆罈海鏡蛛壁鏡鯨針紫鱗玉板碑磔海扇麈簸箕蠶
斯春箕鷺春鋤螢宵燭鮫琵琶鯨火管命以器也

蛭蝶海扇也海貝也大蛤也形似扇面文如瓦屋三
月三日潮盡乃出肉白如玉其殼外溝壑深大皆縱
文如瓦溝無橫理以殼作盃注酒滿過一分不溢大
者長二三尺濶尺許厚二三寸

鯨針嘴也銅吮也姜公魚也形狀大小俱似膾殘其

喙最尖有一細黑骨如鍼故名頭有紅點兩旁自首
至尾白路如銀身細尾岐長三四寸二月出狔人以
爲鯨鯢

鯢錦魚也火管也無皮鱗大者長尺餘如灰管

蝸杜伯鳧少卿蛛杜公輪田父姑獲乳母鵲神女蚓歌
女獮嬾婦蛛新婦鮒梅童颺稚子猴王孫雀家賓蛛親
客怪鳥木客命以人也

姑獲諶諱也暗夜也隱飛也無辜也鉤星也乳母也
夜行遊女也天帝少女也衣毛爲飛鳥脫衣爲女人

好取人小兒養之產死婦所化胸前猶有兩乳純雌無雄七八月夜飛能收人魂魄小兒夜露衣物此鳥飛過以血點之小兒病癩疖

獮獮婦豬也山豬也似豬而小好噉田禾以紡織之具置田所則不復近齒長入海化爲奔鯨昔有婦睡機上姑怒逐之投水化爲此獸一枚得脂三四斛然之照紡績則暗照歌舞則明

鮒梅童也梅首也梅大頭也黃花魚也黃靈魚也似鰻而小朱口細鱗長五六寸小首首有石以梅熟時

來故名

鼯鼯也竹鼠也竹豚也竹根也稚子也似貓大如兔食竹根居土穴煮羊以鼯易爛羊性畏之

木客怪鳥也狀如鵲千百爲羣飛集有度其黃白翼綬飛高者君長居前正赤者五伯正黑者鈐下緗赤者功曹左脇白者主簿又木客怪獸也頭面語言如人而手爪有鉤利居絕巖死亦殞殮能與人交易而其形在有無恍惚間云是秦時造阿房宮采木實食之而不死者

蟒蛇王鯉魚王虎獸王鷓蚊母青蚨魚伯蟠鼠姑蜥蜴
蛇鼻鳩魚師貓狸奴賸蟬奴狸虎僕鱗魚婢

鱗鮫也鱗鱗也鰕鮪也婢鮪也妾魚也魚婢也青衣
魚也似鮪而小肉薄色赤黑其行以三為率一前二
後若婢妾之隨妻鼯鼠所化亦化鼯鼠

附青邱鳥灌灌崇吾鳥蠻蠻鷓鷦鷦萊山鳥羅羅
鳳鷓鷦周周足足鷓鷦且且寇雉泐泐海雉秩秩元
鳥燕燕鷺來來鷺鷺鷺素素鷺鷺咭咭鴨甲甲鷺鷺
堯堯五色鳥榮榮回回雙頭鳥雙雙命命招搖獸往

往姑逢獸獬獬空桑獸軫軫泰山獸狔狔泰獻獸獫
狫霍山獸肫肫放臯獸文文北海獸猩猩素獸蛩蛩
青獸羅羅虎羅羅麟般般譙明獸榴榴狀山獸從從
硜山獸狡狡踣隅獸精精猴禺禺霄貉狝狝山精
狒狒費費鬚鬚鬻鬻南海獸雙雙先民山獸猎猎宋
犬猎猎剛山魚蠻蠻洛水魚庸庸揚州魚禺禺涿光
魚鱗鱗少咸魚鮪鮪彩深魚鱠鱠庾氏魚堂堂辛氏
魚策策螭螭蜻蜻螳螂蚌蚌兩首蟲重重同心蟲隊隊
獅糞蘊合香兔糞明月砂雀糞白丁香蚓糞六一泥編

蝠糞夜明砂鷓鴣糞蜀水花鵝鴨糞五靈脂蟾蜍糞土
栝榔馬糞通牛糞洞豬糞零蠶糞砂
鮫翅新婦臂蟪柱楊妃舌蜃肉西施舌鮪腹西施乳

物壽第十六

蚶蟾取而復生象皮斫而復生蛇皮剝而復生鱗鱉鱉
齒折而復生油鴨饕羊之脂取而復生反牛視肉之肉
割而復生

油鴨壓油蟲也似鳧每暮春時自水中出自呼其名
採得以重石壓之油津津出油盡皮存投水復生按

漢元封二年阿薩部獻蠟蟲剖其肉重疊以石壓之
瀝汁疑卽此物也

饕羊胡羊也月氏羊也高三尺餘尾如扇歲取其脂
縫合復長不取則脹死出莊浪衛

反牛日及也白皮牛也今日割肉明日如故出西域
大月氏

視肉聚肉也封也形如牛肝肉塊無血有兩目食之
無盡尋復生如舊

狐死向風復生鱧死入水復生鼈死遇菟復生蠅死得

灰復生

颯風狸也風母也風生也狷狷也平猴也似兔而短如猿而小曰赤尾短其色青黃而黑有文如豹自鼻至尾一道有青毛廣寸許長三四分其溺如乳汁好食蜘蛛蠶陸晝則拳曲如蛸夜則棲息樹上遇風捷躍他樹如飛行空中見人若慙屈頭叩頸擊之則死以口向風須臾復活性最難死刀斫不入火燒不焦打之如皮囊雖鉄擊頭破得風復起惟石菖蒲塞其鼻則死

蠅羊也齧也醜扇也大腹露眼逐臭羣趨好交前足亦交後足搖翅自扇鳴聲在翼喜暖畏寒夏出冬蟄遇水側翅而去或溺水死得灰得活性畏臺葱稻草以草索數條懸壁間則蠅盡去冬凍則不能飛謂之凍蠅其種類曰青蠅綠蚊也生糞及臭渠中頭赤如火背如負金鳴聲清聒腹能孕蛆糞能敗玉曰麻蠅蒼蠅也麻大也生草際色斑聲雄茅根所化曰飯蠅景迹也好集几案殺羞間啞食飯汁黑身赤首曰狗蠅金黃色皮堅喙銳好噉狗血冬蟄犬耳中春末出

耳飛宿犬項

龜剔而不死 蚊斷而不死 蚓斷而不死 蛭斷而不死 脆蛇斷而不死 龜解肌而不死 蝸羸泥壁而不死 石螺溺醋而不死

蚊蚋也 蚤也 蚘也 蝦也 馬蚊也 飛蚊也 馬蚰也 馬陸也 馬蠃也 馬蠲也 馬蟻也 馬蟻也 蠍蛆也 蛆蝶也 秦蝶也 商鉅也 百足也 百節也 千足也 馮功也 如蚓紫黑色 長二三寸 頭有白肉 面赤 觜銳 身如槎 節節有細蹙文 如金線 多足 比比至百寸 斷之即寸行中

斷之即分行而去 觸之則側卧如環 其尾後戴火如蠶 蠅有人把之則臭氣入頂 可以致死 其在大者烏斑色 長五六寸 夏則登木 羣吟 冬則入蟄 謂之山蛩

脆蛇片蛇也 神蛇也 長二三尺 似金微黑 性不毒 人或觸其怒 則自斷為三四如刀 截然怒定 相續如故 出嶺南

蠶射隙光則死 蚋得陽氣則死 鼯見日月之光則死 熊見污穢之物則死 香鼠踰路則死 鱖魚失水則死

香鼠大如指長寸許齒鬚畢具穴行柱中行地疾如激箭有香如麝行不過大路踰之則死

鱸鱖也鯁也鯁也鵞鵝也胡鱸也頭小形扁細鱗肥腹色白失水則死性好連屬而行其味不佳語曰舉網得鱖不如啖茹

鵞死于菖蒲魚死于橄欖鵞鷓死于砧石橫公魚死于烏梅

鷓鷓奇蒼也逆鷓也渠逆也鷓鷓也鬼車也車板載也九頭鳥也狀如鷓鷓赤色足長尾散聲哀加刀車

鳴身員如箕晝盲夜燎相傳此鳥十首犬嚙其一今十頸環簇有九首其一首獨無而滴鮮血每頸兩翼飛則十八翼並進大者翼廣丈餘將霜則鳴自北而南謂之出巢主雨自南而北謂之歸巢主晴見火光則墮遇砧石則死血滴人家爲凶聞其飛鳴者滅燈打門換狗耳而厭之
橫公魚如鯉而赤長七八尺晝爲魚夜爲人刺之不入煮之不死以烏梅煮之則爛出北荒石湖中
蛾死於焚蠅死於溺蠅死於縊鷓死於鬪

蛾蟬也飛蛾也燈蛾也文蛾也秋蛾也慕光也火化也似蠶蛾而小灰白色好拂燈往往為燈所灼而死麥得濕氣所化三月三日收薺菜花置燈檠上則蛾不入投又南越有古度樹生蛾又岳陽水中生蛾朝蛸一日而死蛸蛸三日而死蠶二十七日而老蟬三十日而蛻

蛸蛸渠略也蟲蠨也渠螂也似蛸蛸身狹而長有角黃黑色叢生糞土中大如指長三四寸甲下有翅小有文采能飛不飲不食三日而死又水蟲亦有蛸蛸

似蠶蛾而小朝生暮死然蛸蛸說文以為天社長箋以為石蛙淮南子注以為朝菌
 蛟死則金滅鵠死則綬滅鼠死則膽滅
 魚壽則巨鰕壽則巨蛇壽則巨龜壽則小

蛇帶也尾如指甲岐舌聾耳紆行吞食躁者雄靜者雌交蛇則雄入雌腹交已退出交雉則生蛟蜃又與龜鱉鱧鱖石斑孔雀交又能化龍鱗能雉而竹根桑根亦化之又能吞蛙鼠燕雀蝙蝠鳥雛鹿象而鶴鷓鷹鶻鷺鴟鳩虎豹牛猴麋麇龜螾蜈蚣亦食之草居

常饑稍飽輒蛻冬含土出蟄春出蟄而吐之圓重如石謂之蛇黃地種蜀黍三年者多蛇燒殺角及頭髮則蛇不復來入山佩雄黃則蛇去山中有冠幘者名升卿呼其名則不爲害種類不一曰螫沙鰍也雷公馬也狀如蜥蜴腹紫背青頭綠項有鬣如馬多在樹上螫人立死亦有無鬣者見人則藏沙中曰泥蛇似公蠪而黑穴居成羣齧人有毒曰肥遺一首兩身六足四翼曰螻蛇一首兩身長八尺涸水之精曰海蠱龍身赤色蛟種也曰白特似練帶白色人浴水中者

往往繳其項而死亦蛟屬曰烏稍烏蛇也香蛇也黑花蛇也圓首高脊赤眼背有三稜頭有逆毛二十一路腹有白帶身黑如漆尾細而長可穿百錢性良不齧物多在蘆林中吸風嗅花眼有赤光雖死不閉曰風稍蛇似烏稍而尾粗脊平曰五色蛇馴良不爲物害出神蛇戍溪中曰爛尾蛇似青蛙而有黑點最毒曰青竹標似竹色瞎目纏樹生子小而捷聞人咳唾聲驟巧前噬其毒亦烈曰率然蛇頭尾差大有五采人物觸之者中首則尾至中尾則首至中腰則首尾

並至出會稽曰綠蛇長三尺餘大如小指好栖樹杪
視之若蟬帶纏柯葉間無螫毒見人則空中飛去出
顧渚山曰金蛇色黃如金山銀蛇錫蛇也白色曰鈞
蛇報冤蛇也好食人爲人所傷尋追不已雖三五里
隨身卽至衆中徃取百不失一若打殺一蛇百蛇俱
集將蜈蚣自防乃免出嶺南曰黃喉蛇好食蝮虺食
飽垂頭直下滴沫地墳起變爲沙蝨中人爲毒其額
有大王字曰雞冠蛇頭如雄雞有冠身長尺餘圍可
數寸中人必死出會稽山曰爆身蛇長一二尺灰色

聞人行聲林中飛出狀若枯枝橫來擊人中者必死
曰黃領蛇長一二尺色如黃金居石縫中將雨時作
牛吼聲中人亦死曰藍蛇首有大毒尾能解毒曰長
蛇有豕毛出大咸山曰鳴蛇四翼音如磬出鮮山曰
化蛇人面豹身鳥翼出伊山曰浴蛇赤首白身出浴
水曰睡蛇黑蛇也曰酸如如蛇四翼六目三足曰赤
蛇丹蛇也赤色出豐浦曰兩頭蛇馬鼈食牛血所化
曰蚶蛇腹下橫鱗可行曰青螻毒蛇也曰穀蛇曰飛
蛇曰琴蛇曰天蛇曰拖蛇曰响蛇曰危干曰水箭曰

岐尾曰三角曰量人曰默稱曰烏肉曰瞎目曰鼈腦
曰人頭曰人面曰笋籜曰菜花曰黃花曰冬瓜曰寸
白曰水豹曰青靈曰犁頭曰鐵甲曰青蔥曰西荒曰
鬱林曰蠻江曰幹壁虎曰貫藤蚓曰篩箕狎曰金角
帶曰七寸子曰過樹客其大者若晉興之蛇大百圍
長數十丈九真之蛇長十丈圍七八尺豫章之蛇長
十餘丈朱崖之蛇長百餘仞台州之蛇大如屋繞孤
島三匝崑崙之蛇長九萬里繞山三匝
蚓老則頸白鸚老則口白蟬老則粉白

蛆老則有尾蠶老則有絲蚝老則有囊狼老則有袋鹿
老則有漩豸老則有鱗

蛆有三種曰糞蛆生溷廁及臭水中或屍肉上色白
無足首尖尾突蠅孕而生蛆蛆入灰中亦蛻而爲蠅
蛆不蛻化則老而尾生謂之拖尾曰水蛆生溪澗中
長寸餘色黑夏深化虫螫人有毒曰雪蛆雪蠶也生
陰山積雪不消之處似蝟無刺肥白長五六寸腹有
水身能伸縮味甘可食然須旦夕食之久則化矣
蚝蠃也蛄蠃也紅姑娘也大小如蠶身面背上有五

色斑無足有毛身扁綠色伏花葉背其毛有毒刺人老則吐汁自裹久漸堅凝如巴豆大就中作繭如甕謂之雀飯甕亦謂之蝘蝓房明年夏月羽化而出作蛾放子於葉間如蠶子生石榴樹者為天漿子生棘枝者為棘剛子又謂之躁舍俗呼揚痢子

鶴二年毛落三年頂赤七年飛高又七年舞應節又七年鳴應律十六年小變六十年大變百六十歲色白千歲色蒼二千歲色元鶴無死氣故壽也

鶴鵠也鵠也露禽也仙禽也臯禽也介鳥也靈鸞也

陰羽也素素也紫卿也八公也丹哥也仙子也蓬萊羽士也九轉還丹使也高三尺餘喙長四寸丹頂赤目赤頰青足修頸凋尾粗膝纖指白羽黑翎雄金眼雌豆眼雌雄相隨如道士步斗履其迹則孕性善警八月白露降滴草有聲則鳴聲啾啾然常以夜半鳴聲聞八九里骨可為笛糞能化石內典謂影生禽經謂聲交張華謂雄鳴上風雌承下風而孕相鶴經謂百六十年相視而孕按漢黃鶴歌因黃鶴下太液池別鶴搯稱雄鵠雌鵠辨命論謂龜鵠千歲琴賦鶴與

曲叶考古書所稱鵠之形色性情咸與鶴類則陸璣謂鵠卽鶴者是也西都吳都淮南子等鵠鶴並列文人儷藻不必格物未可爲據今人以金頭鵠爲鵠非也

龜千歲生毛三千歲遊卷耳之上五千歲則靈萬歲則背生芝草是謂神龜龜善運氣故壽也

鹿千歲色蒼千五百歲色白二千歲色元

鹿斑龍也倪尼也角仙也茸客也鉅鹿侯也華山道士也馬身羊尾頭側足高牡者謂之馬鹿黃質白斑

有角而岐夏至則解其茸月餘輒長角尺餘重二十餘斤牝者謂之鹿黃白色無斑文亦無角一牡常交數牝謂之聚鹿春初羸瘦夏得萑蒲食之則肥性警善走羣居分背而食食則相呼行則同旅居則環角向外以防患卧則口朝尾閭以通督脉孕於仲秋生於仲春六十年則懷璫於角下斑痕紫色行則有涎不復急走千歲色蒼又五百歲色白又五百歲色元元鹿骨亦黑也鹿善別良草所食必葛葉鹿蔥鹿藥白蒿水芹甘草薺芫蒼耳之屬其異種曰神鹿五色

曰人鹿迅走如飛曰天鹿野馬也騶駼也一角如茸青色其肉落地不沾泥沙謂之靈獸曰兩頭鹿余誼也茶首也茶首机也前後有首一食一行其糞名耶希能食毒草四月取其胎可治蛇虺毒曰駝鹿蒼黃無斑角大而有文堅瑩如玉曰山鹿山馬也似馬角彎繞後千百為羣曰辟邪鹿角可辟邪曰麀似貉人目出扶諸山曰嬰胡似麋魚目出尸胡山曰羆似麋川在尾出倫山曰夫諸白色四角出敖岸山曰櫻如白尾四角馬足人手出鼻塗山曰飛骸青色骨肉自

飛出翁韓國曰神鹿高三尺短毛豬喙豬蹄三跖祇啖草木不食腥出舊港國

龜千歲能語鼠千歲能卜蛇千歲能續虎千歲生角蚌千歲生珠

烏千歲化蛤蜊燕百歲化車螯雀五百歲化蜃蝮千歲化聒聽

聒聽博叔也木僕也合木也斫木也苟斗也望板歸也似蜥蜴四足尾長數寸居樹上伺人齧之齧已還樹作聲云斫木斫木或云博叔博叔垂頭聞哭聲乃

去

水虺五百歲化蛟蛟千歲化龍龍五百歲化角龍角龍千歲化應龍

狐千歲化美女狸千歲化好友猿千歲化老人


狐狽也阿紫也伯裘也毛狗也黃牙狗也元邱校尉也似狗尖背大尾有黃黑白三種或尾有白錢文日伏穴夜出竊食聲如嬰兒氣極臊烈性淫而多疑善聽冰水無聲則冰堅厚然後過河又善媚人常禮北斗能變化上伏日則潛身不度阡陌將欲為怪必戴

鬻骸不墜則變為人五十歲更媚百歲後或為美女或為神巫或為丈夫使人迷惑又能擊尾以出火千歲即與天通為天狐其性畏狗雖化人常被狗噬以千年枯木然照之則見真形以犀角置於穴中則不敢歸其血漬黍令人不醉其目塗穴可以辟鼠也狐有三德其色中和小前大後死則邱首其別種曰九尾狐有九尾音如嬰兒是食人出青邱山曰蠶蛭九尾九首虎爪出鳧麗山曰獬獬有翼音如雁出姑逢山曰狽狼白尾長耳出虵山曰朱孺狐身魚翼出耿

山

獼猴八百歲化狻狻五百歲化獬豸千歲化蟾蜍蟾蜍千歲首有角三千歲領有丹書

猴狙也沐猴也馬猴也馬留也愁胡也胡孫也王孫也猩猩奴也孫供奉也尾君子也手面似人類陷有嗛尻無毛脚能握亦能豎行尾短聲嗚嗚若咳腹無脾以行消食其別種曰蒙頌善捕鼠曰果下豹似猴而小身有文彩曰石猴墨猴也小如拳可使几上磨墨可貯筆筒中



狻狻也野寅也臂童也山公也袁公也參軍也巴西侯也似猴而大長臂通肩性靜而仁慈好食果實居多林木能越數丈著地即泄死行多有羣其鳴似啼每鳴必三聲牡黃牝黑去牡勢交亦生子非猴化也或謂初生黑老則黃百歲則白黑者謂之烏猿身黑舌黑眼碧齒白體短亦有五色及淺黑深綠淡紅諸種其黃色者狻也其別種曰狻似狻而大多鬚色黃曰長右四耳曰足訾牛尾馬蹄文臂有鬚曰雍和赤目赤膠黃目曰朱厭白首赤足曰前兒身似獼

蟾蜍蟾蛄也鼃鼃也鼃鼃也蚰蟻也戚施也蚶蚶也
猴聲似小兒人立而行

蛙蚩也去甫也苦蠶也癩蝦蟆也似蛙陸居銳頭瞠
腹促眉濁聲不鳴不躍身大背黑皮多蚌齧眉間有
白汗謂之蟾酥縛置密室中能自解脫千歲者頭有
角腹有丹書八字五月五日午時取之陰乾百日以
左右畫地卽爲流水帶其左手於身辟五兵若敵人
射已弓矢反向萬歲者背生芝草

鼠百歲色白壽三百歲虎兔蝙蝠五百歲色白壽各一

千歲

鼯蝙蝠也伏翼也服翼也蠟蠹也鼯鼠也天鼠也飛
鼠也仙鼠也簷鼠也夜燕也肉芝也琵琶翼也似鼠
而灰黑有薄翅連合四足及尾如一棲屋簷隙中夏
月羣飛捕蚊蚋食之肉翅無羽觸物輒墮力不能起
晝伏冬蟄庚申日伏穴不出百歲于人口上服人精
氣三百歲化形爲人五百歲腦重則倒懸大如鶉千
歲色白有冠大如鳩鵲鼠化蝠鼯蝮化蝙蝠又化魁
蛤然亦自生育也其屎曰鼠法曰石肝日夜明砂曰

蝶

黑砂星

卷八

五

